



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 7. Aliæ legationes ob concordiam.

[urn:nbn:de:hbz:466:1-66293](#)

versabantur; & cum Cardinalibus in cœ-
nobium Fratrum Minorum sæpius convo-
catis consilia Benedicti ingratiss confere-
bant.

Die Jovis 1 Julii hi Cardinales a Du-
cibus instigati studebant Benedictum ad
ineundam cessionis viam inducere, ut
evitaret offensiones, & mala insanabilia,
quæ impendere illius capiti videbant.
Post dies octo locuti iterum cum Benedi-
cto Duces, quia nihilo plus impetrave-
rant, eum valere ultimo jusserunt: & po-
stero die Veneris 9 Julii accitis in Mona-
sterium Minorum Cardinalibus Doctores
quatuor de comitatu suo voluerunt nu-
meroso populo præsenti suam agendi ra-
tionem probare: tum reversi Villam No-
vam, & paucis post diebus Parisios profe-
cti nono Calendas Septembbris illuc adve-
nere.

Sæcul. XIV.

A.C. 1395.

Vit. p. 1121.

§. VII.

Aliæ legationes ob concordiam.

Postquam ad Regem ac Senatum ejus de
rebus gestis retulerant, orabant illum,
ut ob Ecclesiæ concordiam instituta per-
sequeretur. Statutum est, ut Rex ad
alios Principes Christianos hac de causa
Legatos mitteret. Missi in Germaniam
Noviodunensis ad S. Ægidii Abbas, ac
Ægidius Campius celeber Theologiæ Do-

Ii 5

ctor

Sæcul. XIV. Etiam parum efficiebant, licet munere sua
A. C. 1395. perbene fungentes. In Anglia Simon Crat-
maldus Patriarcha Alexandrinus, & N. Viennensis Archiepiscopus benigne sunt
accepti.

Duboultai Universitas quoque Parisina Joan-
te. 4. p. 751. nem. * Brevicoxium Doctorem Theolo-
* de Courte. giæ, Petrum cognomine Regem Docto-
cuisse. rem Juris Pontificii, Abbatem Michaëli-
montanum, quendam Medicinæ Docto-
rem, duosque Magistros Artium, tanquam
Oratores suos in Angliam misit cum litte-
ris ad Universitatem Oxoniensem, quæ
continebant testimonium fidei Oratori-
bus habendæ, ac exhortationem gene-
ralem ad navandam paci ecclesiastice
operam; & datæ sunt in conventu ob
id unum facto apud Mathurinos 26 Aug.
1395, biduo post, quam Principes Ave-
nione redierant.

Eodem tempore Parisina Universitas
in Germaniam ad Universitatem Colo-
niensem, & ad Electores Imperii a Papa
Bonifacio stantes legavit Petrum Plavo-
lium Doctorem Theologiæ, quendam Do-
ctorem Juris Pontificii, & duos Magistros
Artium. Negotii successum ex parte do-
cet Archiepiscopi Coloniensis Friderici
Sarverdii ad Universitatem Parisinam epi-
stola 7 Oct. 1395 scripta hunc in modum:
Vestrás de concordia Ecclesiæ litteras
accepimus læti; & audivimus ea, quæ
Ora-

Oratores vestri de suo rem persequendi ardore, de comitiis Aquisgrani omissis, A. C. 1395.

ac de causæ visceribus ad nos dicebant. Postulata fuisse comitia, & Gallorum Regis, vestrosque Legatos Ultrajectum venisse haud comperimus, nisi post eorum redditum in Franciam; idemque firmiter credimus de cæteris Electoribus Imperii. Approbamus, quantum possumus, vestrum concordiae studium, ac mentem nostram Legatis vestris declaravimus. Duos eorum retinuimus nobiscum ducendos Poppardiam; ubi nos reliquis cum Electoribus decimo tertio mensis hujus affore speramus; cæteros duos vobis remittimus.

Interim Abbas Michaëlimontanus Universitatis Orator cum sociis, quibus præserat, ad Regem Angliæ Richardum admissus longissimo sermone demonstrabat necessario debere, ac maxime per viam cessionis posse finem imponi schismati. Rex Gallice respondit per epistolam, in qua fervorem Universitatis Parisinæ magnopere laudans petit spatum consulendi Oxoniensem, & Cantabrigianam, spondetque se postea Legatis suam sententiam indicaturum. Illi tertio Idus Octobris has accepere litteras.

p. 755.

p. 772.

§. VIII.